



Inuit Ataqatigiit Inatsisartuni

Nuuk, 25. september 2007
Asii Chemnitz Narup

Inatsisartut suleriaasianni § 36 imm. 1 naapertorlugu Naalakkersuisunut apeqqutit imaattut matumuuna saqqummiuppakka:

Eqqarsartaatsikkut nappaatillit ukiup massuma aallartinnerani qassiuppat?

Nappaatinut sorlernut immikkoortinneqarlutik nalunaarsugaappat?

Ukiumikkut qanoq agguataarneqarpat?

Taakkunanga qassit nutaajusutut (siornatigut nappaateqarsimannigitsutut) oqaatigineqarsinnaappat?

Peqqinnissaqarfik qanoq periuseqarluni eqqarsartaatsikkut nappaatillit nalunaarsorpai?

Peqqinnissaqarfiup nalunaarsugaasa akornanni qassit Ilaqutariinnermut Pisortaqarfimmi annertuumik innarluutilittut nalunaarsugaappat?

(Inatsisartunut ilaasortaq Asii Chemnitz Narup, Inuit Ataqatigiit)

Tunngavilersuut:

Inuit peqqissusiat nappaataallu taakkualu allanngoriartornerat malittariuassallugu pisariaqartuuvoq, taamaaliornikkut peqqinnissaqarfiup kiffartuussinera allanngoriartornermut naleqqussarsinnaajumallugu. Minnerunngitsumik nakorsatut peqqissaasutullu sulisut taama nikerartigitillugit tutsuiginartunik kisitsisitigut paasissutissaateqarnissaq pingaartuuvoq, sulisut nikittarnerannit innuttaasut eqqornerlugaasarnerat minnerpaaffimmiitinnissaa anguniarlugu. Kisitsisitigut paasissutissat pingaaruteqartuupputtaaq qinikkat aalajangiinissamut tunngavissaattut.